

Susu - Xaxili Səniyənxi Gere Kitaabuie - SW Intro Scriptures

Luki 17:5 Xəərae naxa a fala Marigi bə, «Muxu xa danxaniya xun masa!» Rəmaka 10:17 Na kui, mixie danxaniyama nə e to bara Ala xa masenyi ramə. E Yehowa xa masenyi raməma a xa Mixi Sugandixi xa masenyi nan saabui ra.

Luki 11:1 Ləxə nde, Isa nu na Yehowa maxandife yire nde. A to gə, a fəxirabirə nde naxa a fala a bə, «Marigi, muxu tinkan Yehowa maxandide alə Yaya a fəxirabirəe tinkanxi ki naxə.»

1 Timote 2:1-4 N ma marasi singe na yi nan na: Wo xa Yehowa makula, wo xa Yehowa maxandi, wo xa mixie xa kəntəfili masen Yehowa bə, wo xa Yehowa tantu mixi birin xa fe ra. 2 Wo xa na raba mangə nun yarerati birin bə, alako won xa lu bəjəsa kui, won ma dunijəigiri xa raxara, won xa lu Yehowa xa kira xən ma, won xa xili fanyi sətə. 3 Na nan fan, na nan lanxi won Nakisima Yehowa waxənfe ma. 4 Yehowa wama adamadie birin xa kisi, e xa nəndi kolon.

Luki 22:31 «Simən, Simən, a kolon sentanə bara Yehowa maxərin wo tan xa sa a bələxə, a xa wo ife alə maale ifema ki naxə.

Sakari 3:1,2 - Yude 1:9 Malekə mangə Minkayilu to wəyən Ibulisa bə Annabi Munsa fure xa fe ra, Minkayilu mu suusa Ibulisa xa wəyənyi yaabide konbi ra. A a fala nə gbansan, «Yehowa xa i makiiti.»

Efəsə 6:12 Barima won mu na ibunadama xa gerefe. Mangə, nəlae, yi dunija sənbəma naaxie, jinnej naxee na kuye ma, gere na won nun nee nan birin tagi.

Efəsə 6:10,11 A dənxəs ra, wo xa wo sənbə so Marigi saabui ra nun a xa sənbə magaaxuxi saabui ra. 11 Wo xa Yehowa xa geresose birin tongo, alako wo xa nə tide Ibulisa xa kocta birin kanke.

Efəsə 6:13-17 Na nan a ra, wo xa Yehowa xa geresose birin tongo alako na ləxə kobi na a li, wo xa nə tide. Na gere rajənyi xa wo li wo tixi. 14 Na kui, wo xa ti nə. Wo wo tagi ixiri nəndi ra. Wo tinxinyi findi wo kanke makantase ra. 15 Wakilife xibaaru fanyi masende naxan bəjəsa fima mixi ma, wo xa na findi sankiri ra wo sanyie bə. 16 Safe na birin xun ma, wo xa danxaniya suxu wo yi ra alə wure lefa. Na nan nəma sentanə xa tanbə radəxəxie ratide, a e raxuben. 17 Wo man xa kisi suxu naxan findixi wo xun makantase ra. Wo Xaxili Səniyənxi xa santidəgəma fan suxu naxan findixi Yehowa xa masenyi ra.

Eburu 4:12 Yehowa xa masenyi sənbə gbo, a walima mixi bəjəs ma. A xaaŋən dangife santidəgəma de firinyi ra. A soma won bəjəs nun won

sondonyi nan kui, a so won sɔɔra nun won nadɔxɔdee xɔn. A won sondonyi waxɔnfe nun maŋɔxunyi birin makiiti.

Luki 4:8 Isa naxa a yaabi, «A sɛbɛxi Kitaabui kui, «I xa i Marigi Yehowa gbansan nan batu, i xa suyidi a keren nan bɛ.»»

Efɛse 6:18 Wo xa Yehowa maxandi tɛmui birin a Xaxili Sɛniyɛnxi saabui ra, duba nun maxandi moɔli birin na. Na kui, wo naxa yanfa. Wo xa wo tunnabɛxi ne Yehowa maxandife ra sɛniyɛntɔe birin bɛ.

1 Samuweli 17:45-47 - Dawuda & Goliath

Luki 10:17-20 Isa fɔxirabire tongo solofera a nun firin naxa gbilen sɛewɛ kui, e a fala a bɛ, «Marigi, muxu na yaamari fi i xili ra, hali pinnɛe, e muxu xui rabatuma.» 18 Isa naxa a masen e bɛ, «N bara sentane to bira ra keli koore ma ałɔ seyamakɔnyi. 19 A mato, n bara nɔe fi wo ma wo xa ɲere bɔximase nun tali ma, n nɔe fi wo ma yaxui sentane xa sɛnbɛ birin xun. Na birin kui, sese mu wo toma. 20 Kɔnɔ wo naxa sɛewɛ xɛ ɲinnɛe to wo xui rabatuma. Wo xa sɛewɛ ne barima wo xili sɛbɛxi ariyanna.»

2 Korinti 10:3-5 Adamadi nan muxu ra, kɔnɔ muxu mu gere soma adama ki xa ma. 4 Muxu mu gere soma adamadi xa geresosee xa ra. Muxu gere soma Yehowa xa geresosee nan na naxee nɔma sentane sɛnbɛe kanade. Muxu maŋɔxunyi birin xun nakanama ne 5 naxan Yehowa xa fe kolonyi matandima yɛtɛ igbona kui. Maŋɔxunyi birin xa lu Mixi Sugandixi xa yaamari bun ma.

2 Timote 1:7 Yehowa mu gaaxu xaxili xa soxi won yi ra. A bara xaxili fi won ma naxan findixi sɛnbɛ, xanunteya, nun yɛtɛ suxui ra.

Matiyu 12:28,29 Kɔnɔ xa n tan ɲinnɛe kerima Xaxili nan saabui ra, na nan na ki Yehowa xa mangɛya niini yati nan bara wo li. 29 Mixi nɔma sode sɛnbɛma xa banxi kui, a a harige ba a yi ra, xa a mu a xiri sinden? Kɔnɔ xa mixi banxi kanyi xiri, a nɔma ne a harige birin mujade.»

Efɛse 1:13 Wo fan to nɔndi masenyi rame Isa xa fe ra, xibaaru fanyi naxan kisi fi wo ma, wo naxa danxaniya a ma. Isa saabui ra, Yehowa naxa wo matɔnxuma a Xaxili Sɛniyɛnxi ra ałɔ a laayidi ki naxɛ.

Taruxui 19:6 Pɔlu to a bɛlɛxɛ sa e ma, Xaxili Sɛniyɛnxi naxa fa e ma. E naxa so xui gbɛtɛe falafe, e man nu Yehowa xa masenyi fala.

Maraki 16:15-18 Isa naxa a masen e bɛ, «Wo siga dunija birin kui, wo daali birin kawandi xibaaru fanyi ra. 16 Naxan na danxaniya n ma, a xunxa ye xɔɔra, na kanyi kisima ne. Kɔnɔ xa naxan mu danxaniya n ma, na kanyi bɔnɔma ne. 17 Naxee na danxaniya n ma e yi kaabanako fee rabama ne n xili ra. E fama ne ɲinnɛe keride mixie fɔxɔ ra, e xui nɛɛnɛe falama ne, 18 e bɔximasee suxuma ne e bɛlɛxɛ ra e

mu e xin, e sefi minma ne se mu e to, e e bεlεxε sama ne furemae ma, furemae yalan.»

1 Yaya 1:9 Xa won na won ti won ma yunubie ra, Yehowa e xafarima ne, a won naseñiyen won ma tinxintareya ma. Yehowa tinxin, won nɔma won xaxili tide a ra.

Yabura 109:17 - Yaki 3:10 N ngaxakerenyie, dubε nun dankε minife dε keran na, a mu fan.

Makiitima 16:16 - 2 Piyeri 2:7,8 Kɔnɔ a naxa Loti ratanga na gbaloe ma. Loti findixi tinxintɔe nan na, naxan bɔne nu bara rajaaxu a ma na mixi jaaxie xa wali kobie xa fe ra. 8 Yi mixi tinxinxi nu sabatixi e tagi, a bɔne rajaaxuxi a ma temui birin e xa jaaxupa xa fe ra.

Efesε 4:26 Xa wo xɔnɔ, wo naxa yunubi raba. Wo naxa a lu soge xa dula xɔnε na wo bɔne kui,

Rɔmakae 14:12 Kankan fama ne a xa wali dεntegede Yehowa bε.

1 Yaya 2:23 Mixi naxan tondima Yehowa xa Di ra, a bara tondi Baba Yehowa fan na. Naxan bara tin Yehowa xa Di ra, a bara tin Baba Yehowa fan na.

Yaya 14:6 Isa naxa a yaabi, «N tan nan na kira ra, nɔndi ra, nun kisi ra. Mixi yo mu soma Baba Yehowa xɔnyi xa n tan saabui xa mu a ra.

Matiyu 11:28-30 Wo fa n ma, wo tan naxee taganxi, kote binye naxee xun, n xa malabui fi wo ma. 29 Wo xa n ma karafoe nan nagoro wo kɔn ma, wo xa findi n ma taalibie ra, barima n bɔne bεexi, a mu tema. Na kui, wo bɔne malabui sɔtɔma ne, 30 barima n karafoe naxan nagoroma wo kɔn, a mu xɔrɔxɔ, n kote naxan dɔxɔma wo xun, a mu binya.»

2 Korinti 6:2 Ala bara a masen Kitaabui kui, «N bara wo xa duba suxu n ma hinne waxati, n bara wo mali wo xa kisi lɔxɔe.» Wo xa a kolon Yehowa xa hinne waxati bara a li. To nan findixi kisi lɔxɔe ra wo bε.

Rɔmakae 10:13 Alɔ Kitaabui a masenxi ki naxε, «Naxan yo na Alatala xili, na kanyi kisima ne.»

Exodus 20:5 - sin cursed to 3 & 4 generations